

城其一云頃有旨以捕大盜功敘錄明府且嬰鳴
而上矣予又惡不得請倘得投緩入里門尚與明
府講積甌之法爲邑久計明府王姓諱者佐號申
之以鄉進士初視河南之葉縣上從吏民白其訟
改視予邑其尉則雲鳳曲沃人署教諭則舉人嚴
恪長治人訓導則明經唐若虛成安人法得並書
茅元儀乾坤北海亭記

後而知止居之傍覆以茨

塗以堊棟柱椽楹以及薄櫨末櫨靡不曲弱不中
程擣攢以爲垣僅蔽風雨而長江大河之南北
靡不仰而頌曰此北海亭也創于侍御公以之訓
伯順寒暑燥濕于是者三十年成進士去伯順又
以誨其子石卿石卿寒暑燥濕于是者又幾三十
年舉天啟辛酉畿內第一人當吾鄉魏子孔時爲
行人時嘗策蹇訪伯順于江村館于是時有唱和
吟詠傳于時是時石卿猶爲諸生伯順亦郎民部
及石卿膺鄉薦伯順同余叅高陽公軍事石卿往
來於遼亭遂宿無人而行人爲給事中數年矣逮
於璫其子子敬行乞過伯順伯順之太公復館之
於是子敬日夜號太公爲不食也而所逮左中丞